



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿՈՏԱՅՔԻ ՄԱՐԶԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ԴԱՏԱՐԱՆ

Հասցե՝ ք. Արմավյան, Կոտայքի փողոց 8 շենք
Հեռ.՝ (+374 222) 2-01-63
Էլ. հասցե՝ kotayq@court.am

N ԴԴ-23 Ե- 3420/24
ԿԴ/13006/02/23
16.01.2024թ. 190Թ-24

Հայցվորի ներկայացուցիչ՝ Հովհաննես Սարգսյանին
Կոտայքի մարզ, Զովունի, 1 փողոց 133 շենք

Պատասխանողներ՝ 1. Մելանյա Զավենի Ներսիսյանի
2. Արմեն Յուլակի Հովհաննիսյանի
**Ներկայացուցիչ՝ Լիլիթ Մանյանին
ք. Եղվարդ, Չարենցի 31/1**

1. Անուշ Երվանդի Հովհաննիսյանին
2. Անուշ Յուլակի Հովհաննիսյանին
3. Վարդան Սամվելի Աղեկյանին
4. Հովհաննես Արմենի Հովհաննիսյանին
5. Գայանե Արմենի Հովհաննիսյանին
6. Գարեգին Արմենի Հովհաննիսյանին

Հասցե՝ Կոտայքի մարզ, Զովունի, 38 փողոց 12 շենք բնակարան 2

7. Աննա Սարգսյանին
8. Ռուզաննա Վասակի Սարգսյանին
9. Անիկ Վասակի Սարգսյանին
10. Լյուբով Սարգսի Սարգսյանին
11. Բուրաստան Վարդկեսի Խաչատրյանին
12. Արամ Վարդանի Սարգսյանին
13. Կալիփսե Վարդանի Սարգսյանին

Հասցե՝ Կոտայքի մարզ, Զովունի, 38 փողոց 12 շենք բնակարան 6

Ուղարկվում է ՀՀ Կոտայքի մարզի առաջին ատյանի ընդհանուր իրավասության դատարանի թիվ ԿԴ/13006/02/23 քաղաքացիական գործով քաղաքացիական գործով 15.01.2024թ. կայացված որոշումը՝ Քաղաքացիական գործի վարույթից մաս առանձնացնելու վերաբերյալ:

ԴԱՏԱՎՈՐԻ ՕԳՆԱԿԱՆ

Ա.ՄԿՐՏՅԱՆ



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿՈՏԱՅՔԻ ՄԱՐԶԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ԴԱՏԱՐԱՆԻ
Ո Ր Ո Շ ՈՒ Մ**

**Քաղաքացիական գործի վարույթից մաս
առանձնացնելու վերաբերյալ**

15.01.2024թ.

ք.Արմվյան

Հայաստանի Հանրապետության Կոտայքի մարզի առաջին աստիճանի ընդհանուր իրավասության դատարանը, նախագահությամբ դատավոր Ն.Թորոսյանի, քարտուղարությամբ Թ.Պետրոսյանի, մասնակցությամբ հայցվորի ներկայացուցիչ՝ Հ.Սարգսյանի, դոնբաց դատական նիստում քննության առնելով թիվ ԿԴ/13006/02/23 քաղաքացիական գործով պատասխանողներ Մ.Ներսիսյանի, Ա.Հովհաննիսյանի ներկայացուցիչ Լ.Մանյանի միջնորդությունը գործի վարույթը գործի վարույթը կարճելու վերաբերյալ

ՊԱՐԶԵՑԻ

Մուրադ Ռուբենի Միրզոյանը (այսուհետ նաև հայցվոր) հայցադիմում է ներկայացրել դատարան ընդդեմ Մելանյա Զավենի Ներսիսյանի, Արմեն Յոլակի Հովհաննիսյանի, Անուշ Երվանդի Հովհաննիսյանի, Անուշ Յոլակի Հովհաննիսյանի, Վարդան Մամվելի Աղեկյանի, Հովհաննես Արմենի Հովհաննիսյանի, Գայանե Արմենի Հովհաննիսյանի, Գարեգին Արմենի Հովհաննիսյանի, Վասակ Արամի Սարգսյանի, Աննա Սարգսյանի, Ռուզաննա Վասակի Սարգսյանի, Վարդան Արամի Սարգսյանի, Անիկ Վասակի Սարգսյանի, Լյուբով Սարգսի Սարգսյանի, Բուրաստան Վարդկեսի Խաչատրյանի, Արամ Վարդանի Սարգսյանի, Կալիփսե Վարդանի Սարգսյանի (այսուհետ՝ նաև համապատասխանող)՝ սեփականության իրավունքի խախտումները վերացնելու և ինքնակամ շինությունները քանդելու պահանջի մասին:

Քաղաքացիական գործը 05.10.2023թ. մակագրվել է դատավոր Ն. Թորոսյանին՝ թիվ ԿԴ/13006/02/23 քաղաքացիական գործի շրջանակներում քննելու համար:

Քաղաքացիական գործը դատավորի աշխատակազմին է հանձնվել է 09.10.2023թ.:

Դատարանի 16.10.2023թ. որոշմամբ հայցադիմումը ընդունվել է վարույթ:

Դատարանի 15.12.2023 թվականի որոշմամբ նշանակվել է նախնական դատական նիստ:

10.11.2023 թվականին պատասխանողներ Մելանյա Ներսիսյանի և Արմեն Հովհաննիսյանի ներկայացուցիչ Լիլիթ Մանյանը դատարան է ներկայացրել միջնորդություն՝ գործի վարույթը կարճելու վերաբերյալ, հայտնելով, որ Վասակ Միրզոյանը մահացել է 28.05.2022 թվականին, ուստի հայցը հարուցվել է մինչև հարուցումը մահացած պատասխանողի դեմ, ուստի գործի վարույթը ենթակա է կարճման:

15.01.2024 թվականի նախնական դատական նիստում դատարանը քննության է առել գործի վարույթը կարճելու մասին միջնորդությունը, որով արձանագրել է, որ սույն գործով համաձայն թիվ ԲԱ565343 մահվան վկայականի պատճենի՝ Վասակ Արամի Սարգսյանը մահացել է 28.05.2022 թվականին: Գործով պարզվել է նաև, որ պատասխանող Վարդան Արամի Սարգսյանը ևս մահացել է 28.10.2020 թվականին (թիվ ԲԱ313188 մահվան վկայականի պատճենը):

ՀՀ քաղաքացիական դատավարության օրենսգրքի 182-րդ հոդվածի 1-ին մասի 5-րդ կետի համաձայն՝ առաջին ատյանի դատարանը դատավարության ցանկացած փուլում կարճում է գործի վարույթը, եթե՝ հայցը հարուցվել է մինչև հարուցումը մահացած պատասխանողի դեմ:

ՀՀ Վճռաբեկ դատարանը թիվ ԱՐԴ1/0004/02/18 քաղաքացիական գործով 20.10.2020 թվականի որոշմամբ անդրադառնալով այն իրավական խնդրին արդյո՞ք մահացած անձի դեմ հայց հարուցվելու դեպքում գործի վարույթը ենթակա է կարճման, թե գործի վարույթը պետք է կասեցվի, քանի որ վիճելի իրավահարաբերությունը թույլ է տալիս իրավահաջորդություն, արձանագրել է, որ մինչև հայցի հարուցումը մահացած, այսինքն՝ իրավունակությունը դադարած ֆիզիկական անձի դեմ հայց հարուցվելու պարագայում գործի վարույթը ենթակա է կարճման:

Տվյալ դեպքում դատարանը արձանագրում է, որ սույն քաղաքացիական գործը հարուցվել է 16.10.2023 թվականին, հետևաբար հայցը հարուցվել է մինչև հարուցումը մահացած Վասակ Սարգսյանի և Վարդան Սարգսյանի դեմ, ուստի վերջիններիս մասով սույն քաղաքացիական գործի վարույթը ենթակա է կարճման:

ՀՀ քաղաքացիական դատավարության օրենսգրքի 183-րդ հոդվածի 1-ին և 2-րդ մասերի համաձայն՝ գործի վարույթը կարճելու մասին առաջին ատյանի դատարանը կայացնում է որոշում, բացառությամբ սույն օրենսգրքի 182-րդ հոդվածի 1-ին մասի 9-րդ կետով և սույն հոդվածի 2-րդ մասով նախատեսված դեպքերի:

Գործի վարույթի մի մասը կարճելու հիմքերի առկայության դեպքում առաջին ատյանի դատարանը կարող է այդ մասով առանձնացնել գործի վարույթը և առանձնացված մասով կայացնել գործի վարույթը կարճելու մասին որոշում կամ այդ հարցը լուծել վճռով:

Տվյալ դեպքում դատարանը գտնում է, որ Վասակ Արամի Սարգսյանի և Վարդան Արամի Սարգսյանի մասով սույն գործի վարույթը պետք է առանձնացնել՝ գործի վարույթը կարճելու մասին որոշում կայացնելու նպատակով:

Ելնելով վերոգրյալից և ղեկավարվելով ՀՀ քաղաքացիական դատավարության 182-րդ, և 183-րդ, 199-րդ, 200-րդ հոդվածներով,

ՈՐՈՇԵՑԻ

Թիվ ԿԴ/13006/02/23 քաղաքացիական գործից առանձնացնել Սուրադ Ռուբենի Միրզոյանի հայցն ընդդեմ Վասակ Արամի Սարգսյանի և Վարդան Արամի Սարգսյանի սեփականության իրավունքի խախտումները վերացնելու և ինքնակամ շինությունները քանդելու պահանջի մասին գործի վարույթը և շնորհել նոր քաղաքացիական գործի համար:



Մուրադ Ռուբենի Միրզոյանի հայցն ընդդեմ Մելանյա Զավենի Ներսիսյանի, Արմեն Յուլակի Հովհաննիսյանի, Անուշ Երվանդի Հովհաննիսյանի, Անուշ Յուլակի Հովհաննիսյանի, Վարդան Սամվելի Աղեկյանի, Հովհաննես Արմենի Հովհաննիսյանի, Գայանե Արմենի Հովհաննիսյանի, Գարեգին Արմենի Հովհաննիսյանի, Աննա Սարգսյանի, Ռուզաննա Վասակի Սարգսյանի, Անիկ Վասակի Սարգսյանի, Լյուբով Սարգսի Սարգսյանի, Բուրաստան Վարդկեսի Խաչատրյանի, Արամ Վարդանի Սարգսյանի, Կալիփսե Վարդանի Սարգսյանի՝ սեփականության իրավունքի խախտումները վերացնելու և ինքնակամ շինությունները քանդելու պահանջի մասին քաղաքացիական գործի վարույթը շարունակել քննել թիվ ԿԴ/13006/02/23 քաղաքացիական գործի համարով:

Թիվ ԿԴ/13006/02/23 քաղաքացիական գործով հերթական նախնական դատական նիստը նշանակել 19.03.2024 թվականին, ժամը՝ 12:30-ին, նույն դատարանում:

Որոշումն ուժի մեջ է մտնում կայացման պահից և ենթակա չէ բողոքարկման:

ԴԱՏԱՎՈՐ



Ն. ԹՈՐՈՍՅԱՆ